



Na osnovu Člana 33. Statuta Košarkaškog Saveza Bosne i Hercegovine, Upravno odbor Košarkaškog Saveza BiH, na svojoj sjednici održanoj u Sarajevu, dana 26.01.2010. godine donijelo je:

REGISTRACIONI PRAVILNIK

KOŠARKAŠKOG SAVEZA BOSNE I HERCEGOVINE

1. OPŠTE ODREDBE

1.1.1. Registracioni Pravilnik KS BiH (u daljem tekstu: Pravilnik), utvrđuje uslove, načela, radnje i postupke za:

- Nadležnosti
- Registraciju klubova,
- Registraciju igrača – igračica /u daljem tekstu igrača/,
- Licenciranje igrača
- Prelasci igrača iz kluba u klub
- Pravo nastupa igrača na utakmicama u BiH / Prvenstva i kupa
- Pravo nastupa stranih igrača za klubove u BiH i igrača iz BiH za strane klubove
- Rješavanje sporova /klub- klub, klub – igrač/
- Potvrde o Ugovorima
- Obeštećenja

1.2. U dokumentima i kod postupka registracije klubova i igrača, prelaska igrača iz kluba u klub, utvrđivanja prava nastupa, rješavanja sporova i obeštećenja poštuju se:

- opšta prava i slobode zagantovana Međunarodnim konvencijama o pravima ljudi i sportska prava zagantovana



Olimpijskom poveljom i FIBA opštima pravilima,

- dobrovoljnost kod udruživanja, uz poštivanje važećih akata standarda i odredaba propisanih normativnim aktima Saveza,
- pravo i sloboda igrača kod izbora kluba u kojem će igrati,
- pravilo da se odnosi između kluba i igrača utvrđuju Ugovorom,
- obaveza da se Savezu dostavi Potvrda o zaključenom Ugovoru,
- pravo kluba iz koga igrač odlazi na nadoknadu kao materijalno obeštećenje za uložena sredstva u sportski razvoj igrača
- saglasnost klubova i igrača da međusobne sporove rješavaju unutar organa Saveza,
- rješavanje sporova vrši se unutar organizacije čiji su članovi i organa koji su za to nadležni.

1.3. Pitanja koja nisu regulisana ovim Pravilnikom, ili preciznije uređenje pojedinih odredbi ovog Pravilnika utvrđuju nadležni organi Članova Košarkaškog Saveza BiH.

2. NADLEŽNOSTI

2.1.1. ČLANOVI KS BiH – Košarkaški savez Republike Srpske, Košarkaški savez Herceg Bosne, Košarkaški savez Zenica, Košarkaški savez Kantona Sarajevo, Regionalni košarkaški savez Tuzla su nadležni za:

- registraciju klubova,
- registraciju igrača,
- prelasku igrača iz kluba u klub istog člana Saveza,
- izdavanje takmičarskih dokumenata iz svoje nadležnosti,
- raskide Ugovora igrača, članova klubova učesnika takmičenja pod ingerencijom člana Saveza,
- arbitražu u svim sporovima između klubova, klubova i igrača, igrača i klubova u organima Saveza u čijem su članstvu,



- Pravo nastupa igrača, klubova učesnika takmičenja pod ingerencijom člana Saveza.

2.2. KOŠARKAŠKI SAVEZ BiH je nadležan za:

- registraciju igrača koji nemaju košarkaško državljanstvo BiH (u daljem tekstu: Stranci),
- prelaske igrača između klubova od kojih jedan nije u nadležnosti istog člana KS BiH,
- prelaske igrača između klubova iz BiH i inostranih klubova,
- pravo nastupa igrača za klubove koji se takmiče u Prvenstvu BiH i KUP-u BiH.

3. REGISTRACIJA KLUBOVA

3.1. Da bi klub bio registrovan potrebno je da:

- Nadležnom košarkaškom rukovodstvu podnese zahtjev za prijem u članstvo, kojim se obavezuje da će poštovati Statut i ostala normativna akta Saveza i članova Saveza.
- Da, u skladu sa zakonskom regulativom, podnese dokaz da mu je odobren rad.
- Da priloži Statut.
- Da uplati upisninu i članarinu u iznosu i roku utvrđenom nadležnog košarkaškog rukovodstva.

3.2. Zahtjev za registraciju, klub podnosi teritorijalnom rukovodstvu, u čijoj je nadležnosti klub.

3.2.1. Zahtjev za prijem, rješava nadležni organ teritorijalnog rukovodstva, koji je dužan pismeno obavijestiti klub o svojoj odluci, najkasnije u roku od osam (8) dana od dana prijema zahtjeva. U protivnom, smatrati će se da je zahtjevu udovoljeno i da je klub registrovan.

3.2.2. Kancelarija Saveza vrši ove poslove za teritorijalna rukovodstva koja se još nisu konstituisala.



- 3.3.1.** Nadležno teritorijalno rukovodstvo dužno je prijaviti Savezu svaku registraciju kluba ili nastalu promjenu, sa podacima o nazivu kluba, sjedištu, licima ovlaštenim za zastupanja i predstavljanje i drugim podacima koje zatraži Savez, i to najkasnije narednog dana po izvršenoj registraciji odnosno izvršenoj promjeni.
- 3.3.2.** Klubu prestaje članstvo ukoliko prestane da ispunjava uslove iz Člana 3.1. ovog Pravilnika.
- 3.4.1.** Odluku o prsetanku članstva donosi nadležni organ teritorijalnog rukovodstva.
- 3.4.2.** Protiv odluke iz predhodnog stava klub može u roku od osam (8) dana podnijeti žalbu nadležnom organu teritorijalnog rukovodstva, koje donosi konačnu odluku.

4. REGISTRACIJA IGRAČA

- 4.1.1.** Pošto je izabrao klub u kojem želi da igra, igrač je obavezan da potpiše IZJAVU - PRISTUPNICU, na propisanom obrascu. (Obrazac 1.).
- 4.1.1.** Strani igrač koji želi da nastupa za klubove u Bosni i Hercegovini, Izjavu – Pristupnicu potpisuje nakon što dobije Izlazno pismo
- 4.1.2** Kod registracije igrača mlađih od 18 godina, IZJAVA – PRISTUPNICA mora biti potpisana i od roditelja, prisvojitelja ili staratelja.
- 4.2.** Klub koji želi da izvrši registraciju igrača, podnosi pismeni zahtjev nadležnom organu, uz koji se prilaže:
- 4.2.1.** ZA PRVU REGISTRACIJU:
- popunjenu Izjavu - Pristupnicu potpisanu i ovjerenu u dva primjerka,
 - dvije kolor fotografije ne starije od 6 (šest) mjeseci,



- izvod iz matične knjige rođenih i Uvjerenje o državljanstvu ne starije od 6 /šest/ mjeseci ili fotokopiju važećeg pasoša,
- Potvrdu o potpisanom Ugovoru, za igrače starije od 18 godina ili Potvrdu o potpisanom Ugovoru o stipendiranju - sportskom usavršavanju, za igrače mlađe od 18 godina,
- potvrdu o uplaćenju članarini.

4.2.1.1. Zahtjev za registraciju igrača, klub je obavezan uputiti najkasnije 48 sati nakon što je potpisana Izjava – Pristupnica od strane igrača i kluba.

4.2.1.2. Ukoliko klub ne ispoštuje rok iz predhodnog Člana potpisana i ovjerena Izjava – Pristupnica će se smatrati nevažeća, a igrač koji je potpisao Izjavu – Pristupnicu je Slobodan.

4.2.1.3. Odluku o registraciji igrača, nadležno košarkaško rukovodstvo donosi u roku od 7 (sedam) dana, nakon prijema Zahtjeva (subota i nedjelja ne ulaze u nevedeni rok).

4.2.2. ZA OVJERU – PRODUŽENJE REGISTRACIJE

- Registracionu knjižicu,
- Potvrdu o potpisanom ugovoru (ukoliko je rok predhodne Potvrde istekao) ili
- Potvrdu o potpisanom ugovoru o stipendiranju - sportskom usavršavanju za igrače mlađe od 18 godina (ukoliko je rok predhodne Potvrde istekao),
- potvrdu o uplaćenju članarini.

4.2.2.1. Igrač za kojeg klub nije podnio zahtjev za ovjeru – produženje registraciju u predviđenom roku, smatra se da je slobodan igrač.

4.2.3. ZA REGISTRACIJU IGRAČA KOJI PRELAZI IZ KLUBA U KLUB



- Izjavu – Pristupnicu igrača potpisanu i ovjerenu od strane igrača i kluba u koji prelazi,
- registracionu knjižicu,
- dvije kolor fotografije ne starije od 6 (šest) mjeseci,
- Potvrdu kluba čiji je rok važenja istekao, saglasnost kluba za nesmetan prelazak ili Potvrdu o raskinutom ugovoru, odnosno pravosnažnu Odluku, odnosno ispisnicu za igrače mlađe od 18 godina,
- Potvrdu o potpisanom ugovoru sa klubom koji podnosi Zahtjev,
- saglasnost za prelazak od strane roditelja (prisvojitelja ili staratelja) kod prelaska igrača mlađih od 18 godina.

4.2.3.1. Zahtjev za prelazak iz kluba u klub mora da bude kompletiran i kod nadležnog organa ovjeren najkasnije do 24,00 sati posljednjeg dana prelaznog roka.

4.3. Nakon završene registracije (u prelaznim rokovima), igrač odmah stiče pravo nastupa.

4.4. Pri prvoj registraciji igrač dobiva Registracioni broj.

4.4.1. Registracijski broj se sastoji od 10 cifara koje određuju: matični savez (prva cifra), matični region (druga i treća cifra), šifru kluba (četvrta i peta cifra), godinu prve registracije (šesta i sedma cifra) i identifikacijski broj igrača u klubu (posljednje tri cifre).

4.4.2. Registracioni broj igrača se nemože mijenjati ili dodijeliti drugom igraču, ni poslije prestanka njegove igračke karijere.

4.4.3. Registracioni broj igrača se evidentira u svim košarkaškim dokumentima igrača.

4.5. Nadležni organ ovlašten da vrši registraciju igrača, vodi evidenciju svih registrovanih igrača, kao i promjenu članstva, sa slijedećim podacima:



- Ime, ime jednog roditelja i prezime igrača,
- Datum i mjesto rođenja,
- Ime kluba za koji se igrač registruje,
- Datum i broj registracije,
- Datum promjene članstva,

4.5.1. Radi statističkih podataka potrebnih Savezu ili FIBA-i, o registraciji ili promjeni članstva igrača, organ koji je izvršio registraciju dužan je u roku od 7 /sedam/ dana pismene podatke dostaviti KS BiH.

Za gore navedene potrebe, podaci o registrovanom igraču mogu se proširiti i drugim elementima.

4.6. Svaki igrač mora imati Registracionu knjižicu izdatu od nadležnog košarkaškog Saveza.

4.6.1. Upravni odbor Saveza utvrđuje sadržaj i oblik Registracione knjižice, koji su jednobrazni /Obrazac 1/.

4.6.1.1. Registraciona knjižica je zaštićena, a njeno štampanje je u nadležnosti Članova Saveza.

4.7. Početkom takmičarske sezone Prvenstava BiH, u roku koji utvrdi Upravni odbor Saveza, nadležni organ vrši ovjeru registracijskih knjižica za sve igrače, bez obzira na rang takmičenja i datum prve registracije.

4.7.1. Ovjera Registracijskih knjižica mimo prelaznih rokova se vrši tokom cijele godine.

4.7.2. Ovjera – produženje registracije, vrši se samo ako je dokumentacija kompletna prema Članu 4.2.2. ovog Pravilnika.

4.8. Nadležni organ Saveza obavezan je da u roku od 48 sati, nakon završenog roka koji je određen za ovjeru – produženje registracije igrača, dostavi Kancelariji Saveza ovjeren spisak svih igrača koji su registrovani za tu godinu.

4.8.1. Spisak registrovanih igrača mora da sadrži slijedeće podatke:



- Ime, ime jednog roditelja, prezime,
- datum rođenja,
- broj registracije,
- ime kluba za koji je igrač registrovan,
- ime kluba iz kojeg je igrač prešao.

4.8.2. Igrači koji se ne nalaze na spisku registrovanih igrača, smatraju se slobodnim igračima.

5. PRELAZAK IGRAČA

5.1. Pravo prelaska iz kluba u klub igrač može ostvariti u prelaznim rokovima, redovnom ili dopunskom u terminima koje utvrdi Upravni odbor KS BiH.

5.1.1. Redovni prelazni rok počinje posljednjeg ponedjeljka mjeseca juna i traje 10 dana.

5.1.2. Dopunski prelazni rok traje pet (5) dana, i počinje na dan koji utvrdi Upravni odbor Saveza, s tim da mora početi najmanje dvadeset (20) dana prije početka prvog dijela takmičenja u narednom prvenstvu i sedam (7) dana prije početka drugog dijela tekućeg takmičenja.

5.2. Pravo prelaska van prelaznog roka može ostvariti:

- igrač koji prelazi u klub koji se takmiči u međunarodnim klubskim takmičenjima,
- igrač sa pravosnažnom odlukom Arbitražne komisije Saveza i
- igrač povratnik ukoliko posjeduje Letter of clearance federacije u kojoj je bio registrovan.

5.3. U toku iste takmičarske sezone, igrač može ostvariti dva prelaska iz kluba u klub.

5.4. Igrač koji je u prelaznom roku potpisao Izjavu – Pristupnicu za



jedan klub, ne može povući svoj potpis niti spriječiti registraciju za taj klub.

- 5.4.1.** Igrač koji potpiše Izjavu - Pristupnicu za dva kluba ili navede netačne podatke, podliježe disciplinskoj odgovornosti i ostaje član kluba iz kojeg je želio da pređe bez prava na izdavanje ili ovjeru takmičarskog dokumenta za tu sezonu.
- 5.4.2.** Predat Zahtjev kluba za registraciju može se povući prije okončanja postupka.
- 5.4.2.1.** Ako Zahtjev kluba za registraciju povuče klub, igrač ima status slobodnog igrača.
- 5.4.2.2.** Ako Izjavu - Pristupnicu povuče igrač, mora za to imati saglasnost kluba za koji je potpisao Izjavu - Pristupnicu.
- 5.4.3.** Ako je Zahtjeva kluba za registraciju, ili Izjava - Pristupnica igrača povučena u skladu sa gore navedenim članovima, može se podnijeti novi zahtjev za registraciju istog igrača.
- 5.5.** Pravo prelaska iz kluba u klub ima igrač:
- sa kojim klub nije želio da sklopi ugovor,
 - kome je istekao ugovor i ne želi da sklopi novi ugovor sa dosadašnjim klubom,
 - koji je sporazumno raskinuo ugovor sa dotadašnjim klubom,
 - sa pravosnažnom odlukom nadležnog organa, navedenog u ugovoru,
 - sa pravosnažnom odlukom Arbitražne komisije Saveza ili nadležnog organa člana Saveza,
 - koji, u skladu sa ovim Pravilnikom, ima tretman slobodnog igrača.
- 5.6.** Saglasnost za prelazak - Ispisnica je dokument kojim klub ovjerava da je saglasan sa prelaskom igrača u drugi klub i nema ugovornih



smetnji.

- 5.6.1.** Saglasnost za prelazak - Ispisnica mora biti ovjerena pečatom kluba i čitko potpisana od strane ovlaštenog lica iz kluba.
- 5.6.2.** U slučaju davanja netačnih podataka, Saglasnost za prelazak - Ispisnica će se smatrati nevažećom, a lice koje je navelo netačne podatke podliježe disciplinskoj odgovornosti.
- 5.7.** Prelazak igrača mlađih od 18 godina vrši se isključivo uz Saglasnost za prelazak - Ispisnicu.
- 5.7.1.** Izdavanjem Saglasnosti za prelazak - Ispisnice, prestaje da važi potpisani ugovor sa igračem.

6. USTUPANJE IGRAČA

- 6.1.** Klub može ustupiti igrača drugom klubu, za jednu takmičarsku sezonu.
- 6.1.1.** O ustupanju igrača zainteresovani klubovi – igrač obavezno potpisuju Ugovor u kome regulišu međusobne odnose.
- 6.1.2.** Takmičenje u kojem će igrati igrač mora biti navedeno u ugovoru o ustupanju.
- 6.1.3.** Ustupljeni igrač dobiva Takmičarski karton - Licencu i ima pravo nastupa u takmičenju kojim rukovodi organ koji je izdao Takmičarski karton – Licencu.
- 6.1.4.** Izdavanje Takmičarskog kartona - Licence vrši se u skladu sa odlukama organa koji rukovodi takmičenjem u kojem će igrač nastupati.
- 6.1.5.** Takmičarski karton - Licenca se izdaje samo za takmičarsku sezonu navedenu u ugovoru.



7. DVOJNA LICENCA

- 7.1.** Igrači do 21 godine kod muškaraca, do 19 godina kod žena mogu nastupati po osnovu dvojne licence.
- 7.1.1.** Saglasnost za izdavanje dvojne licence daje matični klub za klub nižeg ranga takmičenja.
- 7.1.2.** Klub višeg ranga takmičenja može istom klubu nižeg ranga dat saglasnost na traženi broj igrača.
- 7.1.3.** Klub nižeg ranga takmičenja može po osnovi dvojne licence registrovati broj igrača shodno odluci nadležnog organa Člana Saveza.
- 7.1.4.** Igrač sa dvojnomo licencom za klub nižeg ranga može da nastupa samo u seniorskom takmičenju, a za matični klub u svim ostalim takmičenjima.
- 7.1.5.** Dvojna licenca se izdaje u prelaznim rokovima i važi samo za jednu takmičarsku sezonu ili za takmičarsku sezonu koja je u toku.
- 7.1.6.** Igrač koji ima dvojni takmičarski karton – licencu, a bude kažnjen od organa koji rukovodi takmičenjem, nema pravo nastupa na takmičenju koje vodi taj organ.
- 7.1.7.** Ako igrač, koji ima dvojni takmičarski karton – licencu, bude kažnjen od Dicipinskog suda Saveza, taj igrač nema pravo nastupa ni za tim za koji je registrova ni za tim kome je ustupljen.

8. UGOVOR

- 8.1.** Međusobna prava i obaveze igrača i kluba utvrđuju se i regulišu Ugovorom.
- 8.1.1** Ugovori u smislu ovog pravilnika mogu biti:
- Profesionalni ugovori (o profesionalnom angažovanju),



- Ugovori o stipendiranju i sportskom usavršavanju (moraju biti ovjereni kod Notara),
 - Ugovori o materijalnoj stimulaciji
- 8.1.2.** Ugovor ima karakter poslovne tajne i reguliše isključivo prava i obaveze na relaciji igrač – klub, a za sadržinu odredbi ugovora odgovorne su ugovorne strane.
- 8.1.3.** Upravni odbor KS BiH propisuje obaveze kluba i igrača, a koje se odnose prema reprezentativnim selekcijama BiH.
- 8.1.4.** Ugovor potpisuju igrač i ovlašteni predstavnik kluba. Uz igrača mlađe od 18 godina, ugovor potpisuje i roditelj/staratelj igrača.
- 8.1.5.** Ugovor se sastavlja u četiri (4) istovjetna primjeraka od kojih igraču i klubu pripadaju po dva (2) primjerka.
- 8.2.** Ugovor se zaključuje na period dogovoren između kluba i igrača.
- 8.2.1.** U rok, ugovoren između igrača i kluba, se ne računa:
- Vremenski period zabrane igranja izrečen od strane Saveza – duži od 6 (šest) mjeseci,
 - vremenski period na koji klub izrekne kaznu – dužu od 6 (šest) mjeseci, u slučaju da nadležni organ Saveza potvrdi istu,
 - vremenski period koje igrač provede u inostranstvu bez pismene dozvole kluba,
 - vremenski period koji igrač provede u zatvoru – duži od 6 (šest) mjeseci,
- 8.3.** Uz obostranu saglasnost Ugovor se može raskinuti i prije isteka vremena za koji je zaključen.
- 8.3.1.** Saglasnost o raskidu Ugovora mora da sadrži slijedeće podatke:
- Ime, očevo ime i prezime,
 - Godina i mjesto rođenja,



- Registracijski broj igrača,
 - Broj Potvrde,
- 8.3.2.** Saglasnost mora biti ovjerena pečatom kluba i čitko potpisana od strane ovlaštenog lica iz kluba.
- 8.3.3.** Saglasnost za raskid ugovora, za igrače mlađe od 18 godina mora biti potpisana od strane igrača i roditelja /staratelja igrača.
- 8.3.4.** Bez utvrđenih podataka kao i u slučaju davanja netačnih podataka, saglasnost za raskid ugovora će se smatrati nevažećom, a osoba koja je navela netačne podatke podliježe disciplinskoj odgovornosti.
- 8.4.** Sa igračima, mlađim od 18 godina, mogu se sklapati ugovori o stipendiranju - sportskom usavršavanju sa rokom koji ističe po završetku takmičarske sezone u kojoj igrač navršava 18 godina života.
- 8.4.1.** Ugovori o stipendiranju - sportskom usavršavanju moraju biti ovjereni kod Notara
- 8.5.** Igraču koji navršava 18 godina, matični klub je obavezan ponuditi potpisivanje ugovora, najkasnije do završetka sezone u kojoj igrač navršava 18 godina.
- 8.5.1.** Ukoliko igrač ili njegov roditelj/staratelj odbiju da potpišu ponuđeni ugovor, klub deponuje ponuđeni ugovor u nadležnom košarkaškom Savezu, najkasnije u roku od osam dana nakon što je igrač napunio 18 godina, i smatra se da je igrač zaključio ugovor u trajanju od 4 (četiri) godina.
- 8.5.2.** Ukoliko klub ne postupi u skladu sa Članom 8.5. ili 8.5.1. ili ukoliko igraču ugovorom ponudi nadoknadu ispod godišnjeg minimuma predviđenog u Članu 8.8., igrač stiče status slobodnog igrača.
- 8.6.** Matični klub, je klub u kojem je igrač registrovan u momentu kada



je navršio 18 godina.

- 8.7.** Klub koji krši odredbe ovog člana, kažnjava se sa isključenjem iz takmičenja i prebacuje se u niži rang takmičenja.
- 8.8.** Prilikom sastavljanja prvog ugovora sa igračem koji je navršio 18 godina, klub je obavezan unijeti klauzulu o isplaćivanju minimalne godišnje nadoknade, shodno stepenu dostignutog igračkog kvaliteta:
- 5.000 bodova za igrače A lige BiH za muškarce,
 - 2.000 bodova za igrače A1 lige BiH i A lige Članova KS BiH za muškarce,
 - Broj bodova za igrači, umanjuje se za 50%,
 - Broj bodova za igrače koji su nastupali za juniorsku reprezentaciju uvećava se za 50%.
 - Broj bodova za igrače koji su nastupali za seniorsku reprezentaciju uvećava se za 100%.
- 8.8.1.** Visinu boda utvrđuje Upravni odbor Saveza, nakon završetka takmičarske sezone i primjenjuje se za narednu takmičarsku sezonu.
- 8.9.** U takmičarsku sezonu su uključeni 30 dana prije, Kalendarom takmičenja, utvrđenog početka takmičenja i period u kojem se realizuje takmičenje.

9. POTVRDA

- 9.1.** O potisanom Ugovoru između kluba i igrača klub, obavještava Savez posebnom potvrdom
- 9.1.1.** Potvrdu potpisuje igrač, roditelj/staratelj (za igrače mlađe od 18 godina) i ovlašteni predstavnik kluba.
- 9.1.2.** Potvrdu evidentira i ovjerava ovlašteno lice nadležnog košarkaškog



Saveza.

- 9.2.** Potvrda se izdaje na obrascu koji propisuje Upravno odbor Saveza (Obrazac 2) koji sadrži slijedeće podatke:
- ime kluba,
 - ime igrača,
 - vrstu sklopljenog ugovora,
 - rok na koji je sklopljen ugovor,
 - takmičarsku sezonu nakon koje ističe ugovor,
 - datum kada je sklopljen ugovor.
- 9.3.** Bez utvrđenih podataka, kao i u slučaju davanja netačnih podataka, Potvrda će se smatrati nevažećom.
- 9.3.1.** Ovlaštena osoba kluba koja je navela netačne podatke, podliježe disciplinskoj odgovornosti, a klub se prebacuje u niži rang takmičenja.
- 9.4.** Potvrda se sastavlja u šest (6) primjeraka od kojih: igraču i klubu pripadaju po dva (2) primjerka, a Savezu i nadležnom Košarkaškom Savezu pripada po jedan (1) primjerak.

10. ARBITRAŽA

10.1. Klub i igrač mogu sporazumno raskinuti Ugovor.

10.1.1. Ukoliko dođe do spora između kluba i igrača radi izvršavanja ugovorenih obaveza ili prava, podnosi se Zahtjev za raskid Ugovora.

10.1.2. Zahtjev za raskid Ugovora podnosi se Arbitražnoj komisiji Saveza



ili organu košarkaškog Saveza u čijoj je nadležnosti postupak Arbitraže.

10.2. Uz Zahtjev za Arbitražu se prilaže:

- Kopija Ugovora ili drugi materijalni dokaz koji će se koristiti u postupku,
- Potvrda o uplaćenim troškovima za postupak arbitraže u iznosu od 1.000 bodova.

10.2.1. Vrijednost boda kod određivanja troškova postupka arbitraže, utvrđuje Upravni odbor Saveza posebnom odlukom.

10.2.2. Zahtjev podnesen za Arbitražu, može se povući prije nego je uzet u razmatranje. Za povučeni zahtjev prije početka Arbitraže, troškovi za postupak arbitraže se vraćaju.

10.2.3. U slučaju pozitivnog rješenja za igrača, na zahtjev podnesen Arbitražnoj komisiji, troškovi za postupak arbitraže se vraćaju igraču a troškovi arbitraže se naplaćuju od kluba prema kojem je podnesen zahtjev za arbitražu.

10.3. Arbitražna komisija o Zahtjevu za Arbitražu, odlučuje isključivo na bazi materijalnih dokaza.

10.4. Odluka Arbitražne komisije mora biti donešena u roku od 8 (osam) dana, od dana kompletiranja dokumentacije.

10.4.1. Odluka Arbitražne komisije je konačna.

11. OBEŠTEĆENJE

11.1. Klub ima pravo na nadoknadu kao materijalno obeštećenje za igrača, ako isti nema Ugovor ili Ugovor o stipendiranju - sportskom usavršavanju, a koji odlazi iz kluba do kraja godine u kojoj navršava 18 godina starosti.



11.1.1. Visina nadoknade izražena je u bodovima, a izračunava se na slijedeći način:

$$VN = T \times G + R$$

- VN - Visina nadoknade,
- T - Takmičenje u koje igrač odlazi,
- G - Broj punih godina od prve registracije igrača,
- R - Reprezentativni nastupi.

11.1.1.1. Vrijednost koeficijenta za takmičenje izračunava se na slijedeći način:

T = 10.000	Prvi nivo KS BiH,
T = 8.000	Drugi nivo KS BiH – Prvi nivo Člana KS BiH,
T = 5.000	Drugi nivo Člana KS BiH,
T = 3.000	Ostali nivoi.

11.1.1.2. Vrijednost koeficijenta za nastupe u reprezentaciji, u zvaničnim FIBA takmičenjima, izračunava se na slijedeći način:

R = 5.000	Seniorska reprezentacija BiH,
R = 1.000	Juniorska reprezentacija BiH,
R = 500	Kadetska reprezentacija BiH,

11.1.2. Ustanovljena Visina nadoknade, za igračice umanjuje se za 50 %.

11.1.3. Ukoliko igrač, nakon što napuni 22 godine starosti, prelazi u klub druge nacionalne federacije ustanovljena Visina nadoknade uvećava se za 100%, od kojeg iznosa Savezu pripada 30%.

11.1.4. Vrijednost boda kod određivanja Visine nadoknade, utvrđuje Upravni odbor Saveza posebnom odlukom, prije početka naredne takmičarske sezone.

11.2 Ukoliko Ugovorom nije dogovoren iznos, klubovi se međusobno dogovaraju o visini obeštećenja.

11.2.1. Ukoliko u Ugovoru ili u Ugovoru o stipendiranju - sportskom



usavršavanju, postoji ugovoreni iznos obeštećenja, ugovoreni iznos isplaćuje igrač ili klub u koji igrač prelazi.

11.2.2. Visina nadoknade koja pripada Savezu, bez obzira na ugovoreni ili dogovoreni iznos između igrača i kluba, obračunava se u skladu sa Članom 10.1.1. ovog Pravilnika.

11.3. Ukoliko se Arbitražom rješava spor oko utvrđivanja prava na nadoknadu, visinu nadoknade utvrđuje se u skladu sa Članom 10.1.1. ovog Pravilnika.

12. PRAVO NASTUPA

12.1. Samo igrači sa urednom registracionom knjižicom i sa urednim Takmičarskim kartonom – Licencom mogu da nastupaju na utakmicama.

12.1.1. U toku jedne takmičarske sezone, igraču se može izdati Takmičarski karton – Licenca za dva kluba, istog nivoa takmičenja.

12.2. Izdavanje i ovjera Takmičarskih kartona – Licenci vrši se u skladu sa aktima Saveza.

12.2.1. Izdavanje Takmičarskih kartona – Licenci vrši se na način i u vremenu kako propiše Upravni odbor Saveza.

12.3. Maksimalan broj igrača kojim se izdaju Takmičarski kartoni – Licence za jednu ekipu je 24 igrača u toku jedne sezone.

12.3.1. Broj stranih igrača kojim se izdaju Takmičarski kartoni za jednu ekipu utvrđuje Upravni odbor Saveza prije početka svake takmičarske sezone.

12.3.2. U toku sezone spisak se može dopuniti sa igračima koji se prvi put registruju, igračima mlađih kategorija (U16, U18), igračima koji su to pravo ostvarili odlukom Arbitražne komisije, igračima koji su



ostvarili prelazak u dopunskom prelaznom roku i povratnicima.

12.3.2.1. Tretman povratnika ima igrač BiH košarkaške nacionalnosti koji se vraća iz inostranstva sa uredno izdatim LOC od strane federacije kojoj pripada klub u kojem je igrač posljednji put nastupao.

12.3.3. Igrač koji se stavi na spisak ne može biti zamjenjen drugim igračem.

12.4. Pravo nastupa na utakmicama KUP-a , ostvaruje se na osnovu Registracione knjižice, a registrovani su u skladu sa ovim Pravilnikom.

12.4.1. Pravo nastupa stranih igrača na utakmicama KUP-a BiH, ostvaruje se na osnovu Takmičarskog kartona - Licence.

12.4.2. Prvi nastup u takmičenju za KUP, igrač koji nije na spisku za licenciranje ne može ostvariti nakon osmine (1/8) finala KUP-a BiH.

12.5. Igrač može nastupati za drugi klub na prijateljskim utakmicama samo uz pismeno odobrenje kluba za koji je registrovan.

12.5.1. U slučaju da igrač prekrši odredbe iz predhodnog Člana, igrač i drugi klub čine disciplinski prekršaj.

13. IGRANJE STRANIH IGRAČA U BIH

13.1. Strani igrači (u daljem tekstu: Stranac) mogu da nastupaju za klubove iz BIH.

13.1.1. Takmičenja na kojima mogu da nastupaju Stranci utvrđuje Upravni odbor Saveza posebnom odlukom.

13.2. Stranac je igrač, koji u času podnošenja zahtjeva za registraciju, nema državljanstvo BiH.

13.2.1. Odluku o promjeni definicije pojma Stranca, Upravni odbor KS BiH donosi posebnom odlukom, prije početka prelaznog roka za narednu



takmičarsku sezonu.

13.3. Registraciju i evidenciju Stranaca vrši Kancelarija Saveza.

13.3.1. Registracija Stranaca može se vršiti van prelaznog roka, do posljednjeg termina za zamjenu igrača predviđenog propozicijama takmičenja FIBA za Evropsku Zonu.

13.3.2. Nakon završene registracije, igrač dobiva takmičarski karton i ima pravo nastupa odmah.

13.4. Klub koji želi da registruje Stranca podnosi Kancelariji Saveza pismeni zahtjev od strane kluba uz koji se prilaže:

- fotokopija pasoša,
- LOC federacije iz koje igrač dolazi ili zahtjev za dobivanje LOC koji mora da sadrži lične podatke igrača te državu i klub iz koje dolazi,
- 2 fotografije /color/ ne starije od 6 (šest) mjeseci,
- potvrdu o uplati takse za registraciju,
- potvrdu o uplati takse za LOC.

13.5. Registracija Stranca mora se obaviti u roku od 48 sati, nakon što je kompletiran zahtjev.

13.5.1. U rok od 48 sati nisu uključene subota i nedjelja.

13.6. Broj stranaca koji mogu nastupiti na utakmici za jedan klub Prvenstva BiH za muškarce i žene i Završnici KUP-a BiH, utvrđuje Upravni odbor KS BiH posebnom odlukom, prije početka prelaznog roka za narednu takmičarsku sezonu.

13.7. U jednoj takmičarskoj sezoni Stranac može nastupati samo za dva kluba.

13.8. Stranac po svojoj volji i volji svoga kluba može biti posuđen drugom klubu, za jednu takmičarsku sezonu.



13.8.1 Stranac koji je posuđen, može nastupati samo za klub kome je posuđen.

14. IGRANJE BIH IGRAČA U INOSTRANSTVU

- 14.1.** Igrač, državljanin BiH, ima pravo da nastupa za inostrane klubove.
- 14.2.** Igraču koji je napunio 18 godina starosti, može se dozvoliti igranje u inostranstvu uz saglasnost kluba i Saveza i uz obeštećenje (nadoknadu) klubu i Savezu.
- 14.2.1.** Obeštećenje predstavlja naknadu za uložena sredstva za razvoj i afirmaciju igrača, shodno stepenu dostignutog igračkog kvaliteta
- 14.2.2.** Visinu obeštećenja utvrđuje Upravni odbor KS BiH posebnom odlukom, prije početka prelaznog roka za narednu takmičarsku sezonu.
- 14.3.** Za igranje u inostranstvu, igrač podnosi Zahtjev za izdavanje saglasnosti za igranje u inostranstvu Kancelariji Saveza uz koji prilaže:
- Potvrdu iz koje se vidi da je istekao Ugovor ili Saglasnost o sporazumnom raskidu Ugovora ili Odluku o raskidu ugovora sa dotadašnjim klubom,
 - potvrdu o uplati iznosa utvrđenog za obeštećenje Savezu.
- 14.4.** Kancelarija Saveza, u roku od 7 (sedam) dana nakon kompletiranja zahtjeva, izdaje igraču Saglasnost za igranje u inostranstvu.
- 14.4.1.** Za igrača koji ima Saglasnost Saveza za igranje u inostranstvu, Kancelarija Saveza će, na zahtjev Nacionalne federacije u čiji klub odlazi igrač, izdati Letter of Clearance - LOC.
- 14.4.2** Izdavanje LOC vrši se u skladu sa FIBA pravilima o internacionalnom transferu igrača.



15. ZAVRŠNE ODREDBE

- 15.1.** Ukoliko se utvrdi da su prilikom prelaska igrača ili prilikom određivanja statusa u novom klubu, povrijeđene odredbe ovog Pravilnika i drugih propisa u košarkaškoj organizaciji, zahtijevati će se pokretanje disciplinskog postupka radi utvrđivanja odgovornosti i izricanja odgovarajućih mjera.
- 15.2.** Izmjene i dopune ovog Pravilnika vrše se na način i po postupku predviđenom za njegovo donošenje.
- 15.3.** Pravilnik ima 2 (dva) priloga (Obrazaca) koji će se koristiti prilikom postupaka utvrđenih ovim Pravilnikom.
- 15.4.** Za određene administrativne potrebe igrača i klubova, vezane za ovaj Pravilnik, može se naplatiti odgovarajuća taksa.
- 15.4.1.** Visinu takse, utvrđuje Upravni odbor Saveza, odnosno nadležni organ Košarkaškog Saveza, posebnom odlukom, prije početka naredne takmičarske sezone.
- 15.5.** Usvajanjem ovog Pravilnika prestaje da važi Registracioni Pravilnik KS BiH, usvojen 14.10.2002. godine.
- 15.6.** Tumačenje ovog pravilnika daje Upravni odbor Košarkaškog Saveza Bosne i Hercegovine

U Sarajevu 26.01.2010. godine

Predsjednik KS BiH

10. godine



Nihad Imamović